

Нами, тымңа алейитук суна, акуна атуты. Никугоақнамтыху атуты, никугнакук, накин юм лъика амуя, накин алегумалгит апальзит.

Хўаңкута ытфипут нуна Айгысқымы ылъыге нынлътунған пиникақъяхпут. Юпик қуяқук ысқақнамиуң имақ наманыпик кегми, ануқнилъыге нунавут уми ығныгми. Ынкам илони юм алегақук атун.

Натылнуғның ипа атутылгут юпит – неникутының, каванлъатының, иныкуты, қуйватңа юм. Амалъи илисимакақсиўң, натын атумалгит уникпагағни қикмиғат натыгми.

Имақлғым ымама қулигамсусимана, гук, ылънан ати Умқарагақ уйъимауқ аюңалгеми Калалъит нунани. Қаяхтулге тагани пияқумаўк. Амта апальуақат тахкугмит пиниклъуку нунайың, кулигамсуклъуки ыйъутнит қакымкугмит.

Атуты кулигамсумаўк ынкам таңкигутнумаўк тумңани ығлыхлътыгым юм. Қагум нунам-амикаюма: лъика қывлекшиталге масами апы, қывлекшиталгит игалықитағыт уйъуми, тыпытукат насигат нунами кегми, қагна нуна лъика унигақылге.

Атасимың уйъоми Нувуқами ануқнухтыпихсима, имагнаўхтыпихсима, кеңухсима. Нагуйит қалгигақут тагралғим имам қайңини. Амлъугъягами акумгамало ысқағақа агихтағвигми уйгахлъугмун палухлъуни ысхапакук иманун Нутетегын. Сильагакун лъыган кусихтакут ымғыт. Пеқа апака Тыңетегын, ысқа хўаңкунун қаюгъяхтугли.

Гуэсам кимаўгинета, қайгўа нутагингагмың атусийита?

Амалъи ыңқама утуқак атуты «Аха атуглаоқ», юпихтак атун саюақйъа Нутетегым, матыми атугақат игунагмың полъа-сильтыт.

Киңунымтынун уныхлътукат атутнит Кеперым, Ақыңам, Мылыгром, Нутетегым. Акуна матыми талгўа уйъугальапик саяқ лъика анлинхаўгакук. Мысақтақңан таўхкын мумық сиву-